



KEMENTERIAN WILAYAH PERSEKUTUAN
Blok 2, Menara Seri Wilayah, Presint 2, 62100 Putrajaya
Tel: 03-8889 7888 Faks: 03-8889 7957
Laman web: www.kwp.gov.my

SIARAN MEDIA

UNTUK LIPUTAN MEDIA MASSA

MEMBANGUNKAN PEMBANGUNAN SOSIO-EKONOMI WARGA LABUAN DENGAN MEMBERI 'MATA KAIL' BUKAN SEKADAR 'IKAN'

LABUAN, 7 Februari 2020 – Cetusan idea YB Tuan Haji Khalid Bin Abdul Samad, Menteri Wilayah Persekutuan untuk menganjurkan program berbentuk pembangunan sosio-ekonomi kepada warga Wilayah Persekutuan diteruskan dengan pelaksanaan program Pembuatan Balm Organik di Labuan. Program berbentuk ilmiah yang diajar sendiri oleh YBhg. Dr. Zaitun Binti Abu Bakar, Isteri Menteri Wilayah Persekutuan ini merupakan usaha murni anjuran Kementerian Wilayah Persekutuan dan Perbadanan Labuan.

Kementerian sentiasa menjunjung moto 'Wilayah Peduli, Harapan Dipenuhi' dan sejajar dengan tema sambutan Hari Wilayah Persekutuan 'Sayangi Wilayahku', komitmen kerajaan untuk cakna mengenai perkembangan sosio ekonomi rakyat tidak pernah berkurang. Penganjuran program berbentuk *corporate social responsibility* (CSR) ini dilihat amat dekat dan terkesan pada hati warga Wilayah Persekutuan khususnya Labuan.

Program CSR pembuatan balm organik ini adalah salah satu daripada projek di bawah Inisiatif Mensejahterakan Rakyat WP Labuan dalam memberikan peluang kepada warga pulau Mutiara Borneo ini menjana pendapatan sendiri melalui perniagaan balm organik di atas talian (*online*). Program ini adalah percuma dan golongan surirumah, ibu tunggal dan asnaf dari B40 adalah sasaran utama peserta program.

Selain itu, kementerian amat prihatin dan sentiasa menyantuni golongan B40 dengan memberi tumpuan kepada pelbagai kemahiran dan seni pembuatan supaya mereka dapat mengguna pakai kemahiran yang ada untuk menaik taraf kehidupan dan keluar dari kepompong kemiskinan.

Atas dasar keprihatinan kementerian terhadap warga Labuan, melalui Program Ziarah Kasih, tiga (3) orang pesakit terlantar (bed-ridden) menerima sumbangan RM300 berbentuk wang tunai, makanan asas pesakit bernilai RM 100, lampin pakai buang dewasa (pampers) bernilai RM100 serta katil dan tilam hospital secara gunasama/pinjaman.

Disediakan Oleh:

**Bahagian Komunikasi Korporat
Kementerian Wilayah Persekutuan
7 Februari 2020**